DISCOVRS SVR LA DEPVTATION DV PARLEMENT, AM'le Prince de Condé.

T'AVOIS eû de la peine a adiouster soy à la nouvelle qu'on m'auoit escrite de Paris, que le Parlement auoit de puté vers Monssieur le Prince, pour luy tesmoigner la ioye que la Compagnie auoit de son retour, & l'asseurer en mesme temps de ses soubmissions, & de ses respects: mais cette nouvelle m'ayant esté depuis consirmée. l'auouë que i'ay esté sais d'estonnement, & d'indignation tout ensemble, d'apprendre que cette Compagnie autressois si Auguste, & si Genereuse, se soit abbaissée à vne si prodigieuse lâcheté.

Car sans parler qu'il n'y a point d'exemple dans les Registres que le Parlement de Paris ayt iamais fait en vne pareille occasion, des semblables complimens vers des Princes du sang, qui sont suite suite du Roy aussi bien que nous, qui sont sous mes loix qui nous lient, & n'ont autre aduantage que d'estre les premiers Gentils-Hommes du Royaume; on ne pouvoit point d'ailleurs tirer en exemple la Deputation qui avoit este faiste vers Monsieur le Duc d'Orleans, lequel estant sils de France, Oncle du Roy, & Lieutenant General de la Couronne, est infiniment esse udes suite d'vn Prince du Sang, & merite partant des honneurs singuliers; & le Parlement a fait sans doute vne iniure tres sensible à son Altesse Royalle de luy avoir esgalé vn homme qui ne luy parle que le chapeau à la main.

Mais quandie fais reflexion sur les choses qui sont passées depuis trois mois, quandie me represente deuant les yeux

les Images encores toutes fraisches des cruautes horribles que ce Prince a fait exercer, quandieme résouviens des recits funestes qu'on m'a fait, des actes d'hostilité qu'il a commandées, de la desolation des Villes, & des Villages, du violement des femmes, & des filles, de la profanation des Eglifes, sans respecter le Mystere Adorable de nos Autels, quand ie treuue icydepuis tantost huict iours que i'y suis ariué, les marques des traidemens Barbares que ce, Prince a fait souffriràtant de personnes innocentes; Mais quand iesonge au dessein surieux qu'il auoit entrepris de saire perir par le ser, & par le feu cette grande Ville, la commune patrie de tous les François, ie ne puis supporter que le Parlement auquel il doit conte de ses actios & de sa vie, le soit aller trouuer pour luy faire, auec vne bassesse indigne, vne espèce de remerciement des maux horribles qu'il a causez. N'estoit ce pas afin qu'il fur libre de reuenir à Paris, & qu'on perdist le souvenir des mouuemens de hayne & d'auersion qu'on auoit conçeusi iustemet contre luy? Falloit-il encor le receuoir auec pompe dans nos murailles, & qu'il y soit entré plus glorieux que s'il y fust entré par la bréche? Car qu'auroit il fait autre chose das vne victoire sanglante, que de faire nager son cheual, pour vser de ses termes, dans le sang des Parisiens, & triompherainsi de nos vies, de nos biens, & de nos corps? Mais toutes ces choses estoient suiettes par leur condition à l'Empire de la Fortune: nous pouuons perdre auec courage ces faux biens qui nous sont estrangers, & quand l'iniustice ou la violence nous les ostent, nous ne perdons rien qui soit à nous, selon les sentimens mesmes des Philosophes Payens.

Il n'y a que l'amour de la patrie & de la liberté auquel if n'est pas permis aux gens de bien de pouvoir renoncer, c'est yn bien qui nous appartient proprement, que l'vsurpation des tyrans ne nous peut rauir; & que la nature & la raison qui sont les deux puissances legitimes ausquelles nous deuons nos premiers respects, nous ont consirmée, comme vn depost sacré qu'elles nous obligent de garder, & de dessendre iusques à la mort. Celuy qui par soiblesse ou par interest.

pert le desir de conseruer sa liberté, il manque en premier lieu par son pernicieux exemple, contre le deuoir qui l'attache à la societé ciuille, il se trahit soy-mesme, & esface en quelque sorte ce rayon d'independance que Dieu a graué dans nos ames en nous formant à son Image, de ne recognoistre point de Souuerain sur la terre en la conduitte de nostre raison, & de nos pensees.

Mais quand ceux qui sont establis dans le gouuernement d'vn Estat pour estre les protecteurs de la liberté publique, s'abandonnent tous les premiers aux tyrans qui les veut opprimer: Qu'elle esperance peut-il rester de se pouuoir conserver, si ceux qui en doiuent estre les plus fermes appuis, la vendent & la trahisse? Nous apprenons des Histoires que la puissance des Empereurs Romains ne seroit iamais montée au comble de l'insolence où elle a esté, si la lâcheté du Senat n'eust fortissé par ses coplimens infames les progrez de la tyrannie: Et surquoy il est important que les Officiers du Parlement fassent une serieuse reflexion. Ils doiuent prendre garde que leur institution estant aussi ancienne que la Monarchie, ils sont les dépositaires des loix fondamentales de l'Estat, & sont obligez en leurs consciences, & par le deuoir de leurs charges, de s'opposer aux entreprises des Ministres & des Fauoris, & de renoncer plustost à leurs dignitez que de souffrir que les loix soient violées. Il n'appartient pas à la verité à des personnes priuées d'examiner la conduite des Souverains, mais pour ceux que la necessité de leur employ engage de veiller à la seureré des peuples. Qu'ils se souviennent qu'ils respondront deuant Dieu de la negligence qu'ils y apportent, & que toutes les oppressions qui s'authorisent par leur tolerance criminelle leur seront quelque jour imputées. Si le Parlement eut fait quelque reflexion sur ces deuoirs; il n'auroit pas sans doute deputé vers Monsieur le Prince: car puisque ces marques d'honneur ne se rendent qu'à la qualité des personnes, ou bien à leur vertu; Il a esté dessa obserué qu'il n'y auoit point d'exemple qui l'obligeast à cette ceremonie, puis qu'on ne

l'auoit iamais pratiquée enuers des Princes du Sang. D'ailleurs, le traittement cruel que Paris a receu de ce Prince, ne luy auoit pas merité cet honneur. Certes, il n'estoit pas iu-Re qu'il receut des tesmoignages de nostre amour, & de nostre estime, pour auoir entrepris de perdre la Ville Capitale du Royaume, que l'Histoire marquera sans doute auec vn reproche eternel contre sa memoire. Ouy, ce dessein furieux slestrit cette haute reputation qu'il auoitacquise, & comme la gloire des batailles gagnées se partage auec-la conduite des Chefs, la valeur des soldats, & auec la fortune qui y preside le plus souvent, la posterité iugera sans doute des moyens & des qualitez de ce Prince, par l'action la plus remarquable de sa vie. Et quand elle verra que pendant la minorité de son Roy il a voulu ruiner Paris, qui est non seulement l'ornement, mais l'abregé de tout le Royaume; elle lira auec horreur vne entreprise si detestable, & considerera ce Prince comme vn Monstre, né pour la ruine & la desolation de son Pais.

Mais quelle honte sera-ce au Parlement, dont on sçait que le soing se doit employer à punir les violences publiques, d'auoir non seulement dissimulé par leur silence ce qui seroit encor tolerable pour le bien de la Paix, mais d'auoir honoré l'Autheur de tant de maux d'vne Deputation qui ne luy estoit point deuë, quand il seroit mesme reuenu tout couvert de Lauriers gaignés sur les anciens Ennemis de cette Couronne? n'est ce pas decerner le Triomphe à celuy qui n'a pas esté le vainqueur? mais le slambeau satal d'vne guerre Civille qu'il auoit allumée, & cette prostitution ne marque elle pas la soiblesse d'vn corps qu'il falloit par prudence cacher à ceux qui ne cherchent que l'occasion d'abbattre ce

qui luy reste d'authorité?

Les Peuples voisins louoient autres fois le gouvernement de la Frace, parce que la puissance Royalle, disoient ils, y est temperée par l'authorité des Parlemens, les quels encor bien qu'ils tirent leur pouvoir de celuy que le Roy leur communique, tout ainsi que les Astres empruntent leur lumiere de

Philosophes nous enseignent que les Astres ont vne lumiere qui leur est propre, d'autant que la lumiere est vne qualité du Ciel. Les Parlemens aussi, & entre-autre celuy de Parisa vne authorité non participée selon les loix sondamentales de la Monarchie, soit parce qu'il a vn establissement aussi ancien que celuy de la Royauté, ainsi qu'il a esté desia observé, soit ensin que les Roys luy ayent consié comme en depost le soin & la conservation des loix, ausquelles ils ont bien voulu eux mesmes s'assuiettir à l'exemple de Dieu, qui dans la conduitte de l'Vniuers, selon la penséed vn Pere de l'Eglise, a commandé vne seule sois pour obeir toûjours.

Que sile Parlement doit apporter le temperament si necessaire aux entreprises continuelles des Ministres & des Fauoris, qui abusent de la puissance Royale, ne luy peut on pas faire à present vn iuste reproche, qu'il pert par sa faute vnaduantage si vtile au public, & si glorieux à luy mesme? car encor qu'on ne doine pas peut estre approuner tout ce qu'il a fait depuis vn an, puisque l'on en reçoit si peu de fruit, & qu'il soit assez manifeste par l'euenement & la lascheté honteuse de quelques-vns que ceux qui ont fait le plus d'esclat dans la Compagnie, n'ont esté animez que par des interests de famille, & par des mouuemens de caprice, sans aucun dessein du bien public. Ceux qui estoient bien intentionez deuoient songer qu'il falloit tousiours faire vne rétraitte honorable, & laisser la terreur, & la crainte à ceux qui les auoient attaquez : que le Parlement n'auoit pas fait ses derniers efforts, afin de retenir & d'empescher les Ministres de ne rien entreprendre de nouveau à l'aduenir.

Et tout au contraire, n'a t'on pas veu des Conseillers de la Cour dans l'anti-chambre du Cardinal Mazarin se presser en foule pour luy demander pardon des choses qui s'estoient passées, & luy tesmoigner le desplaisir qu'il leur restoit d'auoir esté gens de bien? Le ne me plains tant de ces actions priuées qui montrent bien à la verite la bassesse de

que s'que s'particuliers, mais qu'il soit dit que le Parlement ait deputé vers Monsieur le Prince, que la posterité lise que Monsieur le Prince a receu compliment pour auoir assiegé Paris, desolé la campagne à dix lieues à la ronde, abandonné à l'insolence barbare des soldats estrangers, non seulement tant de semmes innocentes, mais le Sanctuaire mesme du Dieu viuant, qu'on a prophané par des sacrileges horribles; c'est ce que ie trouue insupportable à des François, qui estans nais libres par leur condition, deuroient plustost mourir que commettre ces lâchetez!

Dauantage, comme les Princes ne souffrent ordinairement pour punition de leur excez, que la haine des peuples qu'ils affligent, qui est sans doute vne punition plus grande qu'ils ne pensent, s'ils y faisoient reflexion. Estoit-il iusté, mais estoit-il à propos de rendre à Monsieur le Prince cet honneur qu'il ne meritoit point? ne falloit il pas qu'il reconnust la faute qu'il auoit commise par les marques de nostre mes-

pris & de nostre auersion?

Mais qui ne scair dailleurs les desseins ambitieux, que l'elprit de ce Prince medite depuis quelque temps, & la demande qu'il auoit faite, & qu'on luy auoit accordée, des places de Clermont, Stenay, & Iamets, en Souueraineté; ne faitelle parge le qu'il souffre auec quelque impatience la qualité de vet jer? Tous les Princes, disoit vn de nos Roys, aspirent à l'independance; de là naissent tant de remuemens & tant de guerres ciuiles que nous esprouuons; & c'est pourquoy il est important de les abbaisser, & qu'ils croyent qu'il leur est impossible de faire reuffir leurs entreprises pernicieuses: Or comme le Parlement de Paris peut seul empescher les factions naissantes; il est de son deuoir, principalement dans la minorité du Roy, de ne plus souffrir qu'il s'esleue quelqu'vn qui puisse faire vn party dans le Royaume, & il doit employer ses soins d'en ruiner tous les pretextes; & les causes mesmes les plus esloignées; & par cette raison, il est de la prudence du Parlement de tesmoigner courage & fermeté à vn Prince, qui a fait voir par cette derniere entreprise que

son esprit remuant n'en demeurera pas là, & que c'est vn sleau que Dieu nous prepare pour assliger ce Royaume.

Mais la dernière, & la plus importante raison pour la quellele Parlementa eû tort de faire cette Deputation; & que cet estrangeabbaissement qui n'estoit pas dailleurs necessaire, confirme en premier lieu les sentimens des Peuples, dans le mauuais bruit qu'on a fait courir que les Deputez du, Parlement auoient esté corrompus dans les negotiations de la Paix, & qu'ils ont plié dans vn temps où il y auoit suject desperer quelque soulagement dans les miseseres publiques, soit par l'acheminement de la Paix generalle qui nous estoit offerte, soit par le changement du-Ministeriat, qui estoit vn point sur lequel il semble qu'il ne falloit point conclure. Or comme la fin perpetuelle des Ministresa esté de des-vnir les Peuples dans les Parlements, ils ne manquent pas sans doute de prositer de certe occasion, & comme ils se persuadent auoir suject d'abbattre leur authorité, & de restablir ce gouvernement absolu qu'ils ont pratiqué depuis quelque années. Ié ne doute pas qu'ils ne reprennent bien tost leurs conseils violens, & que la bassesse de cœur qu'ils ont recognue par cette Deputation, ne leur donne esperance de pouvoir ruyner facilement cette Compagnie qui les auoit retenu iusques icy dans les bornes, de quelque moderation.

Il n'est pas tres dissicile de conceuoir ce qu'ils seront, par ce qu'ils ont des ja entrepris: on a veu trois sours apres la publication de la Paix vn Arrest du Conseil d'Enhaut éuoquer les appellations comme d'abus, & casser vn Arrest du Parlement qui en auoit retenu la cognoissance. On a des ja veu les Commissions Souueraines de l'Hostel restablies. On entend tous les sours les plaintes des cruautés horribles, que les gens de Guerre commettent dans les pays du Mayne, & d'Anjou, & aux enuirons de Sens, pour s'estre declarez en faueur de Paris & du Parlement; ce qui est manisestement violer la derniere Declaration. Et cependant le Parlement est dans le ssence, & sousser vne extreme ingratitude qu'on

mal-traite ceux qui ont attiré sur eux les maux qu'on leur sait endurer pour auoir embrassé sa querelle. Il permet que l'on viole à ses yeux les articles d'vne Paix si solemnellement iurée, & il se persuade cependant que la tempeste ne retombera pas dessus luy, comme si les Ministres ne conseruoient pas dans leur cœur vne haine enragée contre vne Compagnie qui est capable d'estre vn obstacle perpetuelà leur dessein, & qui les auroit perdus en cette derniere occasion, sielle eust pousséauer vigueur le conseil qu'elle auoit si genereusement projetté. C'est dailleurs vn aueuglement prodigieux, que de s'imaginer que quand la tyrannie des Ministres sera establie, qu'ils ne se ressouuiennent plus que le Parlement a cû des Princes Generaux d'armée, qui ont commandé sous ses Ordres, car outre que s'il faut juger de l'aduenir par le passé, nous auons veu que les Ministres ne sont pas si sages pour oublier leurs ressentimens de vengeance qu'ils ont del ja de la peine de dissimuler, (ce quifait voir en passant la foiblesse de leur esprit, & de leur conduitte d'eftre touchez des passions vulgaires) dont celuy qui se messe du gouvernement doit estre exempt selon les regles de la Politique.

Mais quand les Ministres oublieroient le passé, ce que ie no crois pas, c'est encor vne remarque sondée sur des exemples des histoires anciennes que le gouvernement violent & tyrannique, exerce ses premiers efforts sur ceux qui luy sont plus proches, & qui ont plus de droict & de pouvoir de luy resister. La raison est, que cette sorte de gouvernement ne se peut establir parsaittement, tant qu'il reste que qu'vn qui a droict de resister au progrez du mal, parce que cette puissance illegitime est retardée ou par la pudeur, ou par la crainte, qu'elle ne le destruise par des entreprises trop hardies. C'est donc pour cela qu'elle n'a point de sujet de soussir qu'il y air and que charale qu'elle n'a point de sujet de soussir qu'il y

ait quelque obstacle qu'on puisse opposer à ses excez.

Qui peut douter donc apres cela, qu'en fort peu de temps de Parlement ne soit l'object de la persecution des Ministres, & qu'ayant destaché les peuples, s'il leur est possible, de l'a-

mour & de l'vnion parfaite qu'ils ont jusques-icy gardée auec cétillustre Corps, qu'ils n'en abbattent l'authorité, ou par la prescription de tous les gens de bien, ou par quelque creation nouvelle, comme on commence desia de nous en menasser. Que si cela arriue, quine void qu'il ne restera plus de rempart pour la liberté publique? qu'il n'y aura plus d'azile qui soit inuiolable pour conseruer les innocens, & les opprimer? que les Prouinces seront de nouveau exposées à l'auidité insatiable des Partisans. En vain on reclamera l'authorité des Loix, elles seront trop impuissantes pour secourir les foibles, & l'honneur des femmes, la pudicité des Vierges, nos biens & nos vies, seront la proye du Tyran qui s'é-

leue, & des complices qui fauorisent ses desseins.

Il ne faut point douter que toutes ces choses n'arrivent, si le Parlement est vne fois opprimé; Et quand ie songe à cetrelâcheDeputation; il me semble dessa qu'elles sot arrivées; mais d'autre-part, lors que le fais reflexion que cette Deputation n'a pas esté l'ouurage de tout le Parlement, que le plus grand nombre y a contredit, & que la plus part des Enquestes, & des deux Chambres des Requestes du Palais, ont refusé genercusement de deputer. Quand ie me ressouviens que cen'a pas tant esté vne Deputation du Parlement de Paris, qu'vne Caballe formée de quelques particuliers, corrompus, timides, esclaues, & despendans de la Cour, ie sens mes esperances renaistre, & iemefortifie dans cette creance, qu'il reste encor des gens de bien dans la Compagnie, qui n'ont pas flechy le genouil deuant Baal, & qu'on n'a pas veu à Sainct Germain, aller à l'adoration infame du Cardinal; que le plus grand nombre ayme le public, & ne souffrira point que la liberté soit opprimée. On ne peut pas leur reprocher la Paix qu'ils ont consentie, elle estoit en quelque façon necessaire pour le bien de l'Estat & de Paris, & pour ne pas tomber dans la puissance de quelques Generaux qui ont trahy vne si bonne cause, par les intelligences secrettes qu'ils ont tousiours conseruée auec la Cour, par le mauuais vsage, pour ne pas dire honteux, ou le larcin de nos deniers,

& par la lâcheté d'auoir laissé prendre tous nos postes sans resistance.

Qu'on ne reproche donc point au Parlement vne Paix qu'il a creuë necessaire. Il faut que les peuples se consient à la protection de cette Compagnie Illustre, qui est disposée plus que iamais de s'opposer auec vigueur, aux entreprises des Ministres, qui n'a autre but dans ses conseils que le soulagement des peuples, & qui faisant gloire de mespriser ses propres interests, ne sera point diuertie d'une si iuste resolution, ny par la soiblesse des Chess, ny par la corruption des pensionnaires, ny par la crainte de perdre leurs Charges & leurs emploits. C'est à quoy le Parlement se trouue engagé par le zele du bien public, par la necessité de son institution, par l'exemple de ses predecesseurs, & par le deuoir de la di-

gnité de la Compagnie qui se trouuest fort engagée.

Et vous, Prince mal heureux, qui estiez n'agueres l'object de nos plus cheres affections, & pour qui nous auons fait cant de vœux & tant de prieres, & qui estant à present le suject de nos haynes les plus mortelles, que nous regardons comme nostre ennemy irreconciliable, & comme le fleau dont Dieu menasse encor ce Royaume; ne tirez point de vanités, s'il vous plaist, de cette Deputation qui vous flatte, cen'est point vne Deputation du Parlement, puis qu'ellen'a esté, ny deliberée, ny arrestée par l'aduis de la Compagnie, c'est vne visite de quelque particuliers, & qui vous est plus iniurieuse qu'elle ne vous est honnorable, puis que la plus saine partie du Parlement a resisté auec courage à vn abbaissement si honteux, mais sçachez que vous estes hay de tous les François, que vostre nom est en abomination dans les Prouinces, & que les Parisiens ne vous voyent qu'auce mépris, & vne horreur secrette qui produira en temps & lieu des effets plus estranges que vous ne pensez pas. N'est-ce point vne punition visible de Dieu sur les desordres de vôtre vie, & ces impietés sacrileges, dont vous estes coupable, qu'ayant pû estre arbitre à vostre retour de Flandres des differends du Parlement & du Ministeriat, ayant pû decider

glorieusement vne querelle simportate, par l'authorité que le succez de vos armes vous auoitacquise dans les esprits des vns & desautres, vous auez par vn aueuglement prodigieux choisi le plus mauuais party, & au lieu d'aspirer à la gloire du liberateur de la France, au lieu de vous maintenir dans l'amour des Peuples en procurant quelque addoucissement à leur misere, vous auez protegé vn Estranger, seruy d'instrument à sa vengeance, & entrepris de ruyner vostre patrie, si Dieun'eust dissipé par sa prouidence la rage & la fureur de vos conseils. Mais prenez garde qu'il n'exerce encor sur vous des chastimens plus rigoureux, le temps viendra sans doute, que vous aurez besoin de reclamer la protection du Parlement que vous auez voulu opprimer, & le premier Fauory nous vegera des maux & des cruautés que vous auez causées. Ce sera lors que vous implorerez en vain l'ordonnance de la seureré publique que vous auez violée, & ce Peuple innocent que vous auez voulu faire perir par la faim, serira de vostre disgrace, & escoutera auecioye, ou toutau moins auec indifference, la nouvelle de vostre prison, & le traicement rigoureux que l'on vous fera ressentir.

FIN.

